



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

This work is licensed under a **Creative Commons Attribution-NonCommercial
3.0 Unported** (CC BY-NC 3.0) license.

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

1776

232


Z-61

1852

1776

ՅԻՍՈՒՍԻ ՆԱՅԻՆՔ

ԵԲԲ. ԺԲ. 2.



معارف عمومیہ نظارت جلیلہ سنک ۲ ربیع الاول ۳۰۳
و ۲۶ تشرین ثانی ۳۰۱ تاریخلی و ۸۲۲ نومرولی
رخصتنامه سیله نشر اولمشدر

مصارفی آمریقان مسیونر شرکتی طرفندن تسویه اولندرق
طبع اولمشدر

ԿՈՍՏԱՆԴՆՈՒՊՈԼԻՍ

Ի ՏՊԱՐԱՆԻ Ա. ՅԱԿՈԲ ՊՅՅԱՃԵԱՆ

232
Z-61

1892

2010

2001



6209-57

1857
232
2-61
“ՅԻՍՈՒՍԻ ՆԱՅԻՆՔ”

ԵԸՐ . ԺԲ . 2 :

Միայն երկու բառերէ բաղկացեալ խօսք է այս, բայց անոր մէջ կը պարունակի կենաց ամբողջ գաղտնիքը :

«Յիսուսի նայինք» Սուրբ Գրոց մէջ, սորվելու համար թէ ո՛վ է Նա, ի՞նչ ըրած է մեզ համար, ի՞նչ կը շնորհէ մեզ, եւ ի՞նչ կը պահանջէ մենէ, օրպէս զի օրինակ առնունք անոր բնաւորութենէն, հրահանգութիւնք անոր վարդապետութեամբ, աւոր պատուիրաններն ընենք մեր օրէնքը, անոր խոստումները՝ մեր մխիթարութիւնը, անոր անձին եւ գործոյն մէջ գտնենք յազուրդ մեր հոգիներուն բոլոր կարօտութեանց :

«Յիսուսի նայինք» որ խաչուեցաւ, զըտնելու համար անոր թափած արեան մէջ

մեր մեղաց փրկանքը, մեր թողութիւնը եւ խաղաղութիւնը :

«Յիսուսի նայինք» որ յարեաւ ի մեռելոց, գտնելու համար անով այն արդարութիւնը որով միայն կ'արդարանանք, եւ ուրով թոյլ կը տրուի մեզ ամենուս, որ ենք անարժան, մօտենալ վստահութեամբ, աւնոր անունով, Անոր Հօր եւ մեր Հօր, Աւնոր Աստուծոյն եւ մեր Աստուծոյն :

«Յիսուսի նայինք» որ է փառաւորեալ, գտնելու համար յանձին Նորա մեր երկնաւոր Բարեխօսը, որ իւր միջնորդութեամբ կը կատարէ իւր ողորմութեան եւ մեր փրկութեան գործը, որ այժմ իսկ «մեզի համար Աստուծոյ առջեւ կը ներկայանայ,» եւ կը լեցունէ մեր աղօթից թերին՝ իւր բարեխօսութեան զօրութեամբ որուն միշտ կը լսէ Հայրը :

«Յիսուսի նայինք» որ յայտնուած է Հոգւով Սրբով, որպէս զի անոր հետ հաղորդակցութիւն հաստատելով մաքրուին մեր ապականեալ սիրտերը, լուսաւորուին

մեր խաւարեալ իմացողութիւնները, փոխուին մեր ապստամբ կամքերը, որպէս զի կարող ըլլանք յաղթանակ կանգնել աշխարհի եւ չարին յարձակմանց վրայ, ընդգիմանանք անոնց բռնութեանց Յիսուսով որ է մեր զօրութիւնը, ի դերեւ հանենք անոնց խորամանկութիւնները Յիսուսով որ է մեր իմաստութիւնը, զօրանալով կարեկցութեամբն Յիսուսի որ կրեց ամէն փորձութիւն, եւ օգնութեամբն Յիսուսի որուն ոչ ոք յաղթած է :

«Յիսուսի նայինք» որ ինչպէս կու տայ թողութիւն մեզաց՝ նոյնպէս կու տայ զղլումն, ստանալու համար շնորհ ձանչնալ մեր մեղքերը, ողբալ անոնց վրայ, խոստովանիլ զանոնք եւ հրաժարիլ անոնցմէ :

«Յիսուսի նայինք» ընդունելու համար անկէ մեր օրըստօրէական գործը, եւ աւօրեայ խաչը, նաեւ անոր շնորհքը որ բաւական է կրելու համար խաչը եւ կատարելու համար գործը. համբերող ըլլալու

համար տեսնելով անոր համբերութիւնը եւ գործունէութիւնը, եւ ունենալու համար սէր՝ տեսնելով անոր սէրը, ոչ խորհելով թէ ի՞նչ կրնամ ես ընել, բայց թէ ի՞նչ կրնայ ես ընել, եւ ապաւինելով անոր գործութեան որ «տկարութեան մէջ կը կատարուի»:

«Յիսուսի նայինք» ուրանալու եւ մոռանալու համար մեր անձը, որպէս զի փառատի մեր խաւարը անոր երեսաց լուսով, որպէս զի նուիրական ըլլան մեր ուրախութիւնք եւ զսպուին մեր տրտմութիւնք, որպէս զի նա խոնարհեցունէ զմեզ եւ բարձրացունէ զմեզ, որպէս զի տրտմեցունէ զմեզ եւ մխիթարէ զմեզ, որպէս զի աղքատացունէ զմեզ եւ հարստացունէ զմեզ, որպէս զի սորվեցունէ մեզ աղօթել եւ պատասխանէ մեր աղօթից, որպէս զի մինչ կը թողու զմեզ աշխարհի մէջ՝ բաժնէ զմեզ աշխարհէն, մեր կեանքը պահուած ըլլալով անոր հետ Աստուծոյ քով, եւ մեր վարքը անոր վկայ ըլլալով մարդոց առջեւ:

«Յիսուսի նայինք» որ դարձեալ գացած ըլլալով իւր Հօր տունը, հոն մեզ համար տեղ կը պատրաստէ, որպէս զի այս օրհնեալ յոյսը քաջաբերէ զմեզ պարիլ առանց տրտնջելու, եւ պատրաստէ զմեզ մեռնիլ առանց ցաւելու, երբ գայ այն օրը, զի մաւորել վերջին թշնամին, այսինքն՝ մահը, զոր յաղթած է նա մեր կողմանէ եւ զոր մենք պիտի յաղթենք անոր ձեռքով, այն թշնամին՝ զոր ըրաւ մեզ բարեկամ եւ որ երբեմն էր զարհուրանաց թագաւոր, իսկ այժմ է հրեշտակ եւ պատգամաւոր յաւիտենական խաղաղութեան:

«Յիսուսի նայինք» որ դարձեալ պիտի գայ անշուշտ, թէպէտ յայտնի չէ թէ ե՛րբ, եւ որուն գալստեան յուսով կը սպասէ անոր հաւատարիմ եկեղեցին, որ կը համբերէ, կը հօկէ եւ կը ցնծայ մտածելով թէ «Տէրը մօտ է»:

«Յիսուսի նայինք» որպէս զի սորվեցունէ մեզ՝ նայիլ իրեն, որ է ինչպէս առարկայ նոյնպէս եւ Առաջնորդ մեր հաւատա-

քին, որ ինքն է նաեւ կատարողը մեր հաւատքին, եւ որպէս զի պահէ զմեզ այն հաւատքին մէջ մինչեւ ցլախճան:

«Յիսուսի նայինք» եւ ոչ ուրիշի, ինչպէս լռելեայն կը հասկցունէ մեր բնաբանը, որ կ'ըսէ մեզ իսկոյն անոր վրայ հաստատել մեր աչքերը եւ դարձունել զանոնք բոլոր ուրիշ բաներէն: Յիսուսի նայինք եւ ոչ մեր անձերուն, մեր խորհուրդներուն, մեր տրամաբանութիւններուն, մեր երեւակայութեանց, մեր փափաքանաց, մեր գաղափարաց: Յիսուսի՝ եւ ոչ աշխարհի կամ անոր ցանկութեանց, օրինակներուն, սկզբունքներուն, գաղափարներուն: Յիսուսի՝ եւ ոչ Սատանային, թէպէտ աշխատի նա վախցունել զմեզ իւր արհաւիրք կամ հրապուրել զմեզ իւր շողօրթութիւններով:

Յիսուսի՝ եւ ոչ մեր կրօնական դրութեանց, թէպէտ անոնք ըլլան Աւետարանական: Հաւատքը որ կը փրկէ, որ կը սրբացունէ, եւ որ կը մխիթարէ, չէ հա-

ւանութիւն տալ փրկութեան վարդապետութեան, այլ՝ յարիւ փրկչին Անձին: Բաւական չէ միայն ճանչնալ զՅիսուս Գրիստոս, այլ հարկ է ունենալ զնա. եւ ոչ ոք կը ճանչնայ զնա ճշմարտիւ եթէ չստանար զնա անյապաղ: Ըստ խորիմաստ բանից սիրելի աշակերտին, «Կեանքը անով էր, ու կեանքը մարդոց լոյսն էր»:

Յիսուսի՝ եւ ոչ մեր յոյժ սիրելի եւ յոյժ օրինաւոր վայելից, զի մի գուցէ այնպէս գերի ըլլանք անոնց զի մեր աչաց տեսութեանն արգելուն մինչեւ իսկ զԱյն որ մեզ կը շնորհէ զանոնք:

Յիսուսի՝ եւ ոչ մեր զօրութեան: Մեր զօրութիւնը կը նպաստէ մեր փառաւորութիւնն միայն, զԱստուած փառաւորելու համար հարկ է Աստուծոյ՝ ստանալ զօրութիւն:

Յիսուսի՝ եւ ոչ մեր տկարութեան: Ողբալով մեր տկարութեանց վրայ, միթէ երբեք եղած ենք աւելի զօրաւոր: Յիսուսի նայելով մեր սիրտերը պիտի մա-

նակցին անոր զօրութեան եւ մեր շըրթունք պիտի գովաբանեն զՆա :

Յիսուսի՝ եւ ոչ (եթէ զայս ըսել հարկ է) մեր արդարութեան , զոր կը կեղծենք թէ ունինք : Բուն հիւանդն այն է որ , թէպէտ հիւանդ է , կը համարի զինքն առողջ . բուն կոյրն այն է որ , թէպէտ կոյր է , կը համարի թէ պայծառ կը տեսնէ : Եթէ վտանգաւոր է շատ մտածել մեր թշուառութեան վրայ , մեր՝ որ , աւա՛ղ , իրօք ենք թշուառ , եւս առաւել վտանգաւոր է հանդարտ եւ անխռով մնալ մեր երեւակայական արժանեաց վրայ :

Յիսուսի՝ եւ ոչ Օրէնքին : Օրէնքը հրամաններ կ'ընէ մեզ եւ չտար կարողութիւն հնազանդիլ անոնց : Օրէնքը միշտ կը դատապարտէ եւ բնաւ չներեր : Բայց Յիսուս է « օրէնքին վախճանը ամէն հաւատացեալին արդարութեան համար » :

Յիսուսի՝ եւ ոչ սրբութեան աստիճանին որուն հասած ենք թերեւս : Եթէ ոչ ոք հաւատաւոր է թէ ինքն է Աստուծոյ որ-

դի մը ցորչափ կը տեսնէ արատներ իւր սրտին մէջ , եւ թերութիւններ՝ իւր կենաց մէջ , ո՛վ ուրեմն կարող է առնուր փրկութեան ցնծալից ճաշակը : Բայց այս ցնծութիւնը չգտնուիր այս կերպով : Սըրբութիւնը մեր փրկութեան պտուղն է եւ ոչ արմատը : Այն է Յիսուս Քրիստոսի գործը զոր կ'ընէ մեզ համար եւ որ կը հաշտեցունէ զմեզ Աստուծոյ հետ : Այն է Հոգւոյն Սրբոյ գործը մեր մէջ որ կը նորոգէ զմեզ անոր պատկերին : Այն է անոր անփոփոխ խոստման ստուգութիւնը , որ կ'երաշխաւորէ յաւիտեանական կեանք բոլոր անոնց որ կ'ապաւինին անոր : Հաւասարապէս ստոյգ է թէ Փրկչին ապաւինիլ ստոյգ ճամբան է անոր հնազանդելու կատարելապէս , եւ միայն մեղաց թողութեամբ խաղաղութիւն ունենալով հոգին կ'ըլլայ զօրաւոր իւր պատերազմին մէջ : Եթէ կան այնպիսիք որ կ'եղծանեն այս օրհնեալ ճշմարտութիւնը որպէս զի առանց խղճահարութեան տան զիրենք հոգեւոր

թուլութեան, եւ կ'արդարացունեն զիրենք ըսելով թէ ունին հաւատք որով կը կարծեն թէ կրնան արհամարհել սրբութիւնը զոր չունին, պարտին յիշել Սրբոյն Պօղոսի վսեմ խօսքը. «Անոնք որ Քրիստոսին ներն են՝ իրենց մարմինը խաչ հանեցին բնական կիրքերով ու ցանկութիւններով մէկտեղ», եւ Սրբոյն Յովնաննու խօսքը. «Ան որ կ'ըսէ թէ Ես անիկա ճանչցայ, ու անոր պատուիրանքները չպահեր, ստախօս է, եւ անոր մէջը ճշմարտութիւն չկայ», Պարտին յիշել նաեւ թէ ինչ կ'ըսէ նոյն ինքն Յիսուս. «Ամէն ծառ որ բարի պտուղ չբերեր, կը կտրուի ու կրակը կը ձգուի»:

Յիսուսի՝ եւ ոչ մեր հաւատքին: Թշնամին, երբ չկրնար ուրիշ տեղ նայիլ տալ մեզ, կը գործածէ վերջին միջոց մը եւս. եւ այն է դարձունել մեր աչքերը մեր փրկչէն դէպ ի մեր հաւատքը, եւ այսպէս վնասեցունել զմեզ, եթէ տկար է մեր հաւատքը, եւ հպարտացունել՝ եթէ զօ-

րաւոր է այն. որպէս զի թէ՛ այս եւ թէ՛ այն կերպով տկարացունէ զմեզ:

«Յիսուսի նայինք» հիմա, եթէ տակաւին բնաւ նայած չենք անոր: Յիսուսի նայինք վերապէս, եթէ դադարած ենք անոր նայելէ: Նայինք Յիսուսի Քրիստոսին, Յիսուսի Դուստրին, Նայինք Յիսուսի Քրիստոսին: Նայինք հետ զհետ եւս առաւել վստահութեամբ, եւ «նոյն պատկերին կը նորոգուինք փառաց ի փառս» եւ այսպէս սպասենք այն ժամուն երբ Նա պիտի կոչէ զմեզ անցնիլ երկրէս երկինք, ժամանակէն՝ յաւիտեանականութիւն: Սպասենք այն խոստացեալ ժամուն, այն օրինեալ ժամուն, երբ ի վախճանի «Անոր պէս պիտի ըլլանք. վասն զի անիկա պիտի տեսնենք՝ ինչպէս որ է»:





1776

110

1722